



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 156. Idem ante Pontificis pedes prostratus, illum tanquam Papam
veneratur.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

sive demum ex triginta aureorum mil- Sæcul. XV.
lium lytro, quo libertatem suam redemis- A. C. 1419.
se, Ciaconius, aliique existimant. Cer-
tum insuper est, quod Balthasar in Par-
mæ finibus ad veteres Amicos suos in-
viserit, eorumque non paucos numerave-
rit, qui eum, si forte ad Papatum redi-
re cuperet, consilio, opibusque juvare pol-
licebantur; quinimo haud deerant, qui il-
lum, ut denuo Papalia insignia assumeret,
fortiter urgebant, sive affectu erga illum,
sive odio adversus Neo-electum Papam
stimulati, sive demum novitatum studio,
aut melioris fortunæ spe animati; unde
parum absuit, quin schismatis cicatrix
recens obducta, iterum refricata fuisset.

§. CLVI.

*Balthasar ante Pontificis pedes pro-
stratus illum tanquam Papam
veneratur.*

E quidem tam ampla Amicorum suorum
pollicitatio, gravis, eaque periculosa
erat ambitioso homini tentatio; cum
enim Balthasar honorum cupiditate arde-
ret, vel saltem passim talis ab aliis habe-
retur, facile inde nactus quoque fuisset
injurias hucusque perpeccas ulciscendi oc-
casionem; præterea non sine veritatis
specie illa omnia, quæ tam Constantiæ,
quam in carcere egisset, nonnisi vi ac me-

tu

Sæcul. XV. tu extorta, denuo nulla declarare potuisti.
A. C. 1419. Nihilominus contemptis hisce omnibus, quasi novum hominem induisset, nonnisi suo consilio usus, inconsultisque amicis suis, pridie ad festum Corporis Domini die decima quarta Junii Florentias contendit, solus ferme, nullisque securitatis literis munitus; moxque, cum advenisset, in pleno Patrum confessu ad Martini V. pedes provolutus, ejus clementiam exorat, illum tanquam verum & unicum Christi Vicarium veneratur; atque insuper singula, quæ in Synodo acta fuissent, confirmat. Hoc spectaculum adstantium oculis lacrimas expressit, ipsiusque Pontificis viscera tanto miserationis sensu commovit, ut illum humi prostratum manibus suis elevans, pluribus paternæ benevolentiae, ac tenerimi amoris significationibus complecteretur, utque omni, quo posset, modo ab ejus mente exutæ dignitatis memoriam aboleret, illum eo honoris gradu auxit, qui parum a priori, a quo exciderat, abefset. Itaque non modo in Cardinalium numerum adoptatus, ac S. Collegii Decanus creatus est, sed insuper in omnibus publicis functionibus, Consistoriis, aut Congregationibus secundum a Papa locum obtinuit, atque in subsellio ceteris sublimiori sedet.

§. CLVII.